

სიმონ ბერეჟიანი

სიმონ ბერეჟიანი




SIMON BEREJIANI

ŒUVRES POÉTIQUES GEORGIENNES

PARIS - 1982

მეორე მსოფლიო ომში, საქართველოს
 გასათავისუფლებელ გმირლავი დაღუპულ
 ქართველ მამულიზვილთა ხსოვნას
 1941-1945





ს ი მ მ ბ ზ ე ლ ე შ ი ა ნ ე



მ კ ი თ ხ ვ ე ლ თ ა უ წ ყ ე ბ ა დ

ეს წიგნი სიმონ ბერეჟიანის ლექსთა მეორე გამოცემაა. ამას მოითხოვდა მრავალი გარემოება: ომის დროს გერმანიაში ცუდ ქაღალდზე გამოცემული წიგნის დღეს გაცრეცილ - გაყვითლებული და დაზიანებული რამოდენიმე ცალი - და მოიპოვება. ხოლო სიმონ ბერეჟიანის ნაწერები ღირსია რომ არ დაიკარგოს - არა მხოლოდ იმიტომ, რომ უცხოეთში გარდახვეწილ პოეტის დავიწყება დაუშვებელია, არამედ იმიტომ, რომ ეს პატარა კრებული, რომელშიდაც მხოლოდ თექვსმეტი სათაურია, სრულებითაც ზედმეტი არ არის ქართული პოეზიისათვის - მიუხედავად ამ პოეზიის დიდი სიმდიდრისა და მესამე გარემოება ის არის, რომ ეს პატარა წიგნი, ამავე დროს პოეტის ძეგლია რადგან მისი საფლავიც კი დაკარგულია.

პირველ წიგნს წინ უძღვის ვიქტორ ნოზაძის მოკლე წინასიტყვაობა და მარკოზ ტულუშის წერილი, რომელიც სიმონ ბერეჟიანის ბიოგრაფიასაც შეიცავს. აქ ჩვენ მოგვყავს დამატებითი ცნობები, რომელთა მოწოდებისათვის მადლობა ეკუთვნის - ბატონ შოთა ბერეჟიანს.

სიმონიკა - ასე იცნობდა მას პარიზის ქართველობა; დაიბადა 1899 წელს, იგი დაბადებით ბერეჟიანი არ იყო. სიმონიკას მამა ერმილე თაყაიშვილი იყო და დედა ქარცივაძის ქალი ყოფილა. სიმონიკას მშობლებს ხუთი შვილი ჰყოლიათ, ვაჟები: სიმონიკა, სევერიანი და კოკოლა და ორი ქალი. ერთი წლის სიმონიკა შვილად აუყვანია მის უშვილო დეიდას, რომელსაც გოგუცა ერქვა და სიმონ ბერეჟიანსა ჰყავდა ცოლად, ამ სიმონმა მისცა სიმონიკას თავისი სახელი და გვარიც - როცა ბავშვი მონათლეს.

მისმა ახალმა მშობლებმა სიმონიკა ტფილისში ჩაიყ-

ვანეს, სადაც ისინი საკუთარ სახლში ცხოვრობდნენ ვარაზის ხევის მახლობლად. ტფილისში სიმონიკა ქართულ გიმნაზიაში სწავლობდა, ხოლო ზაფხულობით გურიაში ჩადიოდნენ სადაც ბერეჟიანებს კარგი მამული და სასლკარი ჰქონდათ სოფელ ახალშენში ხიდისთავთან.

შოთა ბერეჟიანის ცნობით, სიმონიკა ბავშობისთანავე მრავალნაირ ნიქს იჩენდა. ხატავდა, მისმიერ წანაკითხს გამირულ ამბებს მოუთხრობდა ბავშვებს და ზოგჯერ თავისებურად არტისტობდა კიდევაც: თოფ - იარაღს აიხსამდა თურმე, ვითომ კაკო ყაჩალი ვარო. სიმონიკას ძლიერ გვიან გაუგია რომ იგი თაყაიშვილი იყო. ამის შესახებ იგი არახოდეს ლაპარაკობდა და საფიქრებელია, რომ მას ემძიმებოდა კიდევაც ეს გარემოება. ერთხელ როდესაც ამაზე ლაპარაკი ჩამოვარდნილა, მას უთქვამს: მე ქრისტიანული წესით მოვინათლე ბერეჟიანად და საჭირო არ არის რომ ორი გვარი მქონდესო.

დაწოუკიდებლობის დროს სიმონიკა თავისი ხარჯით გერმანიაში წამოვიდა განათლების მისაღებად. საქართველოს დაპყრობის შემდეგ იგი ორი თუ სამი წელი კიდევ დარჩა ბერლინში, მაგრამ ცხოვრება გაუძნელდა და საფრანგეთში გადასახლდა. აქ იგი მაშინდელ პოლიტიკურ ცხოვრებაში ჩაება. სიმონიკა დაარსებისთანავე ნიფკედლა „თეთრი გიორგის“ მოძრაობას და ამ მიმართულების გაზეთში — „თეთრი გიორგი“ და „ქართლოსში“ თანამშრომლობდა. ამავე გაზეთებში იბეჭდებოდა მისი ლექსები და ქვეყნდებოდა მისივე კარიკატურები.

მეორე მსოფლიო ომის გამოცხადებისას სიმონიკამ სხევებთან ერთად იარაღს მოჰკიდა ხელი, მაგრამ ჯანმრთელობამ უღალატა, ჯარში ყოფნის პირველ თვეებში ნასსულიერი დაავადების ნიშნები დაეტყო. სექტემბერში იგი ისე ცუდად შეიქმნა, რომ მისი საავადმყოფოში მოთავსება აუცილებელი გახდა, ეს რუმინეთში ყოფნის

დროს მოხდა. სიმონიკა სამხედრო საავადმყოფოში წაი-
ყვანეს და მას შემდეგ მისი კვალი დაიკარგა. ხომის გან-
მავლობაში ქართველებმა ვერაფერი შეიტყვეს თუ მას
რა მოუვიდა. ამ უკანასკნელ ხანებში მიუნხენის რადიომ
გადასცა ცნობა, თითქოს სიმონიკა შტუტგარტში გარდა-
ცვლილიყოს. თუ ეს ცნობა რომელიმე სერიოზულ წყა-
როს ემყარება, მაშინ უფრო ზუსტი ცნობის მიღებაც არ
უნდა იყოს ძნელი. შტუტგარტი ომის დროს არ განადგუ-
რებულა და გერმანული არქივების მეთოდურობა ცნობი-
ლია. მხოლოდ თუ ვინმე ამ საქმის გამოკვევას შეუდგე-
ბა, სიმონ ბერეჟიანი არ უნდა ეძებოს. სიმონიკას მესამე
გვარის ტარებაც ხვდა წილად. მის სამხედრო წიგნაკში
ეწერა: - სიმონ ბერგერ. მას ბედმა სამშობლოს გარეთ
სიკვდილი არ აკმარა — ქართული გვარით დამარხვაც
არ ეღირსა.



—●—

სად დარჩა - რომელ მიწაზე
შენი გრძნობების ნექტარი!
სად დაიმარხე ბატონო!
იქნებ ვიცოდე - ნეტავი.
რომ დავიხოქო მოხუცმა
ვნახო ნამსხვრევი მზისანი;
გული გონების საუნჯე
ბურუსით დაუნისლავი.
მწარეა წუთისოფელი,
მპყრობელმა არვინ დაინდო,
კალმით იმარჯვე ფარ - ხმალი
შენ - ხელოვნების რაინდო!
შენი ალვის ხე იზრდება
გურიის მთებში მცინარი,
აბჯარ - ასხმული ვაჟკაცი
განთიადისკენ მზირალი.
ისე გიმსხვერპლა საწუთრომ
დრო ვერ იხილე მზიანი.
სიკვდილს სამშობლო არა აქვს,
სამშობლო - სიკვდილი არი.

გ. უფიანი.

سازمان اسناد و کتابخانه ملی
جمهوری اسلامی ایران

ნ ა ს ა ხ ლ ა რ ი

ისევ ის მთები! ისევ ის ზეცა!
შენს სილამაზეს ვერ შესცვლის დრონი.
ორ ნაწნავებად გადმოიკეცა
ფარჩის კაბაზე მტკვარი, რიონი.
გავეყვი მძევლად დღეს კუდიან ქარს...
როცა სოფელი იწვა ბინდებში,
ვაკოცე ლობეს, ვაკოცე ჭიშკარს
და დავიმაღე სქელ სიბინდებში.
გატეხილ ხულას
დასჩხავის ყვავი,
დამბალ სვეტებზე
ქანაობს ოდა...
მე რომ აღვისხედ
გავჩენილიყავ,
შენთან დარჩენა
შემეძლებოდა!

„კავკასიონი“ 1929 წ.

მე დაეიბადე ცხელ ლითონის და ცეცხლის დროში;
 ტყვიის ზუზუნმა დამავიწყა დედის ხანინა...
 საბნად მეხურა სისხლიანი ნაფლეთი დროშის;
 გახრწნილ გვამებში უდარდელ ბავშვს ტკბილად მეძინა.

მაგრამ ჩემს გულში იზრდებოდა მაისის ვარდი,
 ზეცით დარგული და მორწყული ქართული სასხლით;
 მთვარით ნაკოცნი და ქართული მზით განაზარდი,
 და დაბურული ცივ გომბორის ჟანგიან ნისლით.

დავცქერი მიწას ტყვიით დახნულს და ვამბობ ასე:
 უნდა მივიღო დაწყევლილი ხანა ახალი!
 უნდა გავყინო ჩემში სხივი მაღალ პარნასის,
 გავზარდო გულში ცივი გველი და ქარიშხალი!

გაახელს მთვარე ვერცხლის თვალებს და ყოველ ღამით,
 როს დასხდებიან ვარსკვლავები ცაზე იებად,
 ვრწყავ გულში გაშლილ მაისის ვარდს მხამით, ბალღამით,
 რომ ჩაუნერგო საშინელი შურისძიება;

რომ ყოველივე ჩემი სიტყვა მტერს მოხვდეს ტყვიად,
 რითმამ დასტენოს მკვირცხლი აზრი ლექსში ყუმბარად;
 და თუ ღიმილი ზეციური კიდევ მატყვია,
 არ დაიჯეროთ! ვით ჯალათი ვიცინი მარად!

რას ვაქნევ სიტყვას ჰაეროვანს აწონილს მისხლით,
 როს გარს მარტყია ეკლიანი რკინის მავთული!
 მელნად დავსწურე ნოყიერი ქართული სისხლი,
 კალმად მიპყრია ხელში ბასრი ხმალი ქართული!

და შხამით მორწყულ მაისის ვარდს ვდარაჯობ, ვუვლი;
 შურისძიება მასაზრდოებს, მიმატებს ღონეს;
 რამდენი მამა გაიხსენებს ჩემს სახელს კრულვით,
 რამდენი დედა ცრემლით. ოხვრით შვილს მოიგონებს!

თუ გამარჯვება არ არსებობს სისხლის გარეშე,
 მხოლოდ სისხლისთვის გიხმობს ჩემი ბუკი - ნაღარა!
 ისე არ ჩავალ, ცით მოსული, ბნელ სამარეში,
 თუ არ შევღებე მტრების სისხლით ჩემი ქაღარა!

ვარ ჩემი ქვეყნის გულდამწვარი ქირისუფალი,
 ერის ბრწყინვალე მომავალით მსურს გავიხარო.
 თუ საქართველო არ იქნება თავისუფალი,
 დე, მტერად ქცეული დამენახოს მთელი სამყარო!



გამიხსნა სევდამ გულში იარა,
 მზეს მივეუშვირე დაქრილი გული:
 ოქროს ისრებით შიგ ჩაიღვარა
 სითბო, ალერსი და სიყვარული.
 შეეხედე მთვარეს ობლად მოარულს
 და მომაგონდა დაწყველილთ ბედი...
 და მზის სხივებით გამთბარ სიყვარულს
 გადაეფარა შავი ხავერდი.
 გამაგრდი გულო! რამ დაგაღონა?
 შევესვათ პეშვებით შუქთა კრებული,
 რომ სამარეშიც განგების მონა
 არ ჩავესვენო გაფითრებული.
 ნულარ ვიდარდებთ დაღუპულ გზებზე,
 გემართებს გადახდა სოფლის ცაღისა:
 ჩვენ აქ დაცქენებით, — იქ ჰყვავის მზეზე,
 ვარდი წითელი წინანდალისა.
 დე. სატრფომ ცრემლი ვერ დაგვაპკუროს,
 არც გვესმას ნანა ზურმუხტ მდელოსი
 მაგრამ ესა მზე მთბობი სამყაროს —
 ოქროს ტახტია საქართველოსი.
 მთვარე სახეა მეფე თამარის;
 გვირგვინად ადგას თავს ვარსკვლავები.
 მთვარე მოსძებნის ჩემს ბნელ სამარეს,
 გადმოეშვება ციდან მკლავები.
 და მოვესწრები ცივ სიბნელეში
 გამოლევძებას ოქროს დილისა:
 ჩუმად! არ გესმის ქართლის ლანეში
 ლალი სიმღერა ავთანდილისა?!

მ უ ვ ი ლ ო ბ ი თ

ვიხილე შენი ჭაღარა მთები,
ვიხილე შენი ლურჯი ველები....
მშვიდობით, ველარ დაგიბრუნდები,
რომ დაგიკოცნო, მიწავ, ხელები.
მე მქონდა ლამე ნაქსოვი ვერცხლით
და დილით ოქრო გადმოღვარული....
მშვიდობით! გულში დღეს დამაქვს ცეცხლით
დამწვარი ტრფობა და სიყვარული.
მე მყავდა სატრფო და მარტო დარჩა....
მადლობას ვწირავ მზესა და მთვარეს,
რომ ძველებურად კოხტა ყაბარჩას
ტანზე აცმევინ ჩემ ობოლ მხარეს.
შორიდან ვუგდებ შენ სუნთქვას ყურსა!
და ამ უბედო, განკითხვის დროში
ბედნიერი ვარ . რომ ჩემს მიჯნურსა
არ გასცვეთია თამარის ქოში.
განშორებისას ვიტყვი შენს სახელს,
ქართული ჟრჟოლა დამივლის ტანში....
ვიცი ოდესმე თვალებს გავახვლ
შენს წინაპართა მუხის აკვანში.

— ღრუბლებო, ღრუბლებო დევნილნო ქარით,
 საითკენ იჩქარით ესოდენ მუქარით?! —
 — მზე - ქალის ასული ხვალ ქორწილს აპირებს.
 უნდა მივაშუროთ შავი ზღვის ნაპირებს!...
 მოვიგდე ნაბადი და ღრუბლებს გავყევი:
 ზღვა — მთები — ველები—ფერდობი — ხან ხევი...
 და დილით, როცა გამომეღვიძა
 ვიცანი, ვიცანი კოპწია მიწა.
 მყის წამოიშალნენ ღრუბლები მზეზე...
 ელავდა ზურმუხტი სასახლე მზეზე.
 გარს ერტყა სამეფოს ციხე ვით აღმასი:
 უელიდა გალავანს ხევსური სამასი.
 — ღრუბლებო, ღრუბლებო, მონებო ქარის,
 მზე - ქალის სამეფო აქ არის, აქ არის! —
 ჯაჭვ - მუზარადით, კაპარკ - აბჯარით.
 გაშალეს დროშა ფერ - თეთრ - შავ - აღის:
 გაისმა ქება დიდ თამარ ქალის
 და ლურჯა ცხენზე, ვით ელვა ქარმა
 ჯარს ჩაუქროლა მეფე თამარმა.
 სამეფო დროშა მოჰქონდა თავად
 დავით სოსლანსა, ოსეთის თავადს.
 თეთრ არაბულზე ვიცანი მგონი
 მგოსანი შოთა ბაგრატიონი.
 ვხედავდი ნათლად, მჯეროდა როდი...
 და სიხარულის ცრემლით ვსტიროდი.
 და... წვიმის წვეთი, ვით ცრემლის ხაზი
 დააჩნდა თამარს ლალის ლოყაზე...
 მომინდა მათთან მეც ახლოს მისვლა.
 სასახლის ბაღზე დავეშვი ნისლად...
 ვსთქვი. თუ მოვისმენ წინაპართ ჰანგებს;

ვიხილავ ავაზს და ფარშავანგებს...
 და როცა მიწას ხელი შეეახე.
 ოჰ, არ მენახა, ნეტა, რაც ენახე!
 ძველ სასახლიდან თურმე რა დარჩა:
 მძიმე ლოდები და მჭკნარი ბაღჩა.
 შავ ხალიჩებზე დაყრილან მთები,
 როგორც დაღლილი გოლიათები.
 მარაბდის ველზე ხმალი ვიხილე,
 დიდ მოურავის, გადატეხილი.
 დახოცილ ხევსურთ ქრილობა აზის:
 არაბთა, თურქთა და შაჰ - აბაზის...
 ვიდექ მარტოკა ველზედ მწუხარე...
 იქეჭა ზეცამ... და ხმა მქუხარე
 მე შემომესმა:
 „შენს მამულს, ქართველო, უფალი იცავს!
 ემთხვიე მკერდით ნოციერ მიწას.
 დახოცილ ლომებს შეასხი ქება!
 საქმენი მათი არ იკარგება.
 ძველ ნანგრევებზე ვერ ამჩნევ ქოხებს?
 იქ, ხმლის მაგიერ, ლესავენ თოხებს.
 მაგრამ, მამულის საყვირზე ხვალ - ზეგ
 თოხებს შესცვლიან წინაპართ ხმალზე.
 დიდი წარსული, ძველი დიდება
 განმეორდება, განმეორდება“!
 და მეც იმ დღიდან ციური ხმები
 თან დანაქვს გულში, ვით ბასრი ხმლები.
 სძინავს ბნელ კოშკში მზე - ქალის ასულს...
 და მე ღრუბლებში ვსტირი, თან ვმღერი:
 წვიმს... და ეცლება გოლიათ წარსულს
 ხავსი და მტვერი.

„თეთრი გიორგი“ 1930 წ.

როცა მოგვედები, ჩამაცვი ჩოხა,
წამიკარ თავი თეთრ ყაბალახით;
ჩემ სამარეზე გაშალე ნოხად
მინდვრის ყვავილნი მწვანე ბალახით.
ამიგეთ წესი ზურნით და ღვინით...
ნუ დამაბკურებთ ცხელსა ცრემლებსა,
ნუ შეაწუხებ. ქალო, ქვითინით
კოხტა გორაკებს, ლამაზ ველებსა.
შავს ნუ ჩაიცვამ, თმას ნუ გაიშლი,
ნულარ დამიტვრევ სიმწრით ხელებსა.
ბნელსა ორმოში დამტოვე მარტოდ,
ნუ მოაკითხავ ჩემს სამარესა
ცელქი ნიაფი ობოლს გამართობს:
ზღაპრებს მიამბობს ლეშს მწუხარესა.
მიწა ვიყავი, მიწად ვიქცევი ...
დავუბრუნდები მშობელ მხარესა.
ჩემი გულისა და ტვინის მტვერი
განიფანტება მინდვრად, ველადა:
ქარი წაიღებს ჩემს ფერფლს სიმღერაით,
გამოადგენათ ბაღებს თესლადა.
დასწურეთ ვაზი და შესვით ტკბილი
და ჩემი ფერფლი ერთი ხელადა.
„კაცი კვდებაო“! — ნეტა ვინა სთქვა:
მაშ რაღა არის ყვავილთ ცხოვრება?!
თუ არ იმათი ფშვინვა და სუნთქვა,
ჩვენი ცხოვრების განმეორება?!

გ უ ლ ი

განიერ მკერდში გული მიცემს, გული პატარა.
ჩემმა მშობელმა ჩემი გული გულთან ატარა.
რო დავიბადე და ვიგრძენი მშობელი დედა,
უმანკო გულში დედის გულმა ღრმად ჩაიხედა.
დღემ მოგცა ხილვა სინათლისა; წაგართვა ღამემ.
მზემ სიხარული გიანდერძა და სევდა მთვარემ.
მაგრამ იმ მიწამ, მშვენიერმა, მე რომ გამზარდა,
მითხარ, რა მოგცა, ჩემო გულო, ცრემლების გარდა?
შენ გყავდა სატრფო; ძმად - ნაფიცი და მეგობარი,
მაგრამ მიყვარდა მხოლოდ შენთან მე საუბარი,
ჩემო პატარა, შენზე უკეთ არავინ იცის
გრძელი ზღაპარი სევდიანი მშობლიურ მიწის.
და ერის სევდა, ერის ცრემლი, ვით ცხელი ტყვია
მე დამაქვს გულით და კრილობა მძიმე მატყვია;
და ვერვინ ვპოვე, რომ გამბანოს სათუთად წყლული,
მაგრამ მაინც ძგერს ძველებურად პატარა გული.
ოჰ, ხშირად მიმძიმს დაწყლულებულ გულის ტარება!
მაგრამ ჯვარცმაში არის ოხვრაც და ნეტარება.
რით გადავუხდი ჩემ მეგობარს ესოდენ ამაგს,
როს მძიმე ჯვარი გოლგოთისა მე რწმენით დამაქვს.
განიერ მკერდში გული მიცემს, გული პატარა.
იმღერე გულო, დაკარგულო უცხო მხარეში,
რომ ჩავესვენოთ მზის დიდებით ბნელ სამარეში!
იტყვიან: მოკვდა, იქცა მიწად. მაგრამ ეს გული
იცოვრებს მუდამ, ერის გულში გადანერგული.

გავაღე კარი, ნუ მიცქერი მეგობარს მტრულად,
 თვალს ნუ მარიდებ, მშვენიერო, მომეცი ნება,
 შენს მთებს, შენს ქალებს მივესალმო მე ძველებურად:
 ბახმაროს ნისლში გავახვიო ტკბილი ოცნება.
 როგორ, არ გესმის ჩემი სიტყვა? მეძახი ფირალს?
 ზამთრის ბუხართან მეოცნებეს, წარსულზე მტირალს!
 ხო, მართალი ხარ! მიყვარს ყანწი, ჩხავერის ღვინო.
 თავზე წაკრული ყაბალახი ... ხელზე — მიმინო.
 ახალ ცხოვრებას რომ აშენებ, მეც მითხრეს, ვიცი.
 გინდა რომ მისცე საუკუნო ხსენებას ძველი.
 მაგრამ მერწმუნე, რომ იქნება ახლის დამცველი
 ჩვენი მამიას „ალავერდი“ და მისი „ფიცი“.
 ნუ მიჯავრდები! ვერ გაიგებთ ძველები ახლებს.
 კვლავ თუ მეღირსა შენი ხილვა, მომეცი ნება:
 ვესროლო თვალი სევდიანი ჭვარტლიან ქარხნებს...
 ბახმაროს ნისლში გავახვიო ძველზე ოცნება.
 მაგრამ თუ ჩემთვის დახშულია ოდის კარები,
 თუ კი ცოცხალი არას გარგებ. მიმიღე მკვდარი.
 ჩემო ბატონო, ჩემ საფლავზე, გემუღერები,
 ააშრიალე დიდი მუხა და კოინდარი.
 და როცა დღის ხაშმს შესცვლის გრილი, ლურჯი საღამო
 ამოვა მთვარე, ატირდება ქალაში ტურა,
 მომინახულეთ, სთქვით სიმღერა ტკბილი. საამო:
 ჩვენი „ნადური“, „ოთხი ნანა“, „ხასანბეგურა.“
 თუ სიცოცხლეში არ მეღირსა უცხო მხარიდან,
 რომ მეთქვა შენთვის სიტყვა მკვერცხლი, სიტყვა
 მახვილი,
 ნულა დამიშლით, გურულებო, მუნჯ - სამარიდან
 მეც გაგაგონოთ ჩემი ბანი, ან მოძახილი.

— ნუ ანგრევ, ბიჭო, მერცხლების ბუდეს!
 მეუბნებოდა ხშირად გადია.

— თეთრ - გულა ჩიტი სადღა დაბრუნდეს,
 როცა სახლ - კარი არ აბადია.... —
 მე მყავდა ჯოხის მფრინავი რაში,
 კეთილ დედაკაცს ვუსმენდი როდი,
 მოუსვენარი, ჯიუტი ბავშვი
 ალბად არ ვიყავ გულით ბოროტი.
 ისევ მოფრინდნენ ჩიტუნები
 და გაზაფხულის გაისმა ქება...
 როგორ დავლონდი, რომ არ ინებეს
 ჩვენს აივანზე ბუდის აგება.
 მენატრებოდა მათი ჟღერტული
 და ცრემლი მადგა თვალებზე წყვილი.
 გადიამ მითხრა სიტყვები რთული:
 — მერცხლებისაგან ვართ დაწყველილი!
 მონატრებული, მოხუცო ტკბილო!
 როცა გესტუმროს მგზავრი ზეციდან,
 განსვენების ჟამს ჩაიცივი თბილად,
 რომ სამარეში არ გამიცივდე.
 მოისხი მხრებზე შალის თავშალი,
 ჩაიცივი მატყლის სქელი წინდები.
 ერჩხელ საწოლიც ვერ გაგიშალე,
 ამისთვის, ქალო, ნუ დალონდები.
 მე მჯერა, მჯერა, შენს თავსა ვფიცად.
 მათ, ვინც დავკარგეთ, ვინც დაგვეხოცა
 მხოლოდ დროებით აყრიათ მიწა

და, დაქანცული მოხუცი როცა
 დაგიბრუნდებით, გიხილავთ ყველას,
 ყურს ნუ დაუგდებ მერცხლების წყევლას!
 თუ იმედებმა დაიგვიანეს,
 გულს ხომ აცოცხლებს მზის სიყვარული.
 უძირო ზღვებსა და ოკეანეს,
 როგორც მტკვრის ტალღებს, გავსჭრი მხარულით.
 დავუბრუნდები დაქცეულ კერას,
 როგორც ფირალი გაჭრილი მთაში.
 კვლავ გაგაგონებ ჩემ გულის ძგერას,
 თავს რომ ჩავუდებ ველებს კალთაში.
 დაინთებს ღამე ზეცაში ცეცხლებს,
 ჩაწვება მთებში დეგთა ზღაპარი...
 შენ მეტყვი: შვილო! თეთრ - გულა მერცხლებს
 ამ ქვეყნად არ გაქვთ თავშესაფარი! --
 გადავიქცევი მერცხლად მეც მაშინ,
 გაპყვება ზღაპარს ჩემი სახელი...
 მაგრამ ნოყიერ და ძველ მიწაში
 დაითესება ცრემლები ცხელი.
 და შემდეგ ვარდებს, ამოღულს გზებზე,
 დაიჭკნობს გულზე ჩემი მამული
 და ამღერდება ამაყად მზეზე
 ახალგაზრდობა აბჯარასხმული.



1.

წამიქცევს ქარი ეზოში მუხას,
 წარეკავს გიჟი მდინარე ქალებს.
 დავანთებ კოშკში ძველებურ ბუხარს
 და ცეცხლი წარსულს ააშრიალებს.
 გამოვიარე გზა სევდიანი....
 კოშკში დავეძებ დღეს თავშესაფარს,
 და დედაბერი ბრმა, კუდიანი
 ჩემ ცხოვრებიდან მიაშობს ზღაპარს.
 და მე არ ვნანობ, რომ მეფის შვილმა
 შუბი გასტეხა ბრძოლაში ქართან,
 დამარცხდა ჯარი, არ არის შველა....
 და ღონე მიხდილს სძინავს ბუხართან.
 იწვის ბუხარი, ყურს უგდებს ზღაპარს....
 ხალიჩით ნაფენ ძველ სავარძელში
 ზის საუკუნე, ჰგავს ჩემს წინაპარს,
 ფეხმოკეცილი ჩიბუხით ხელში.

2.

დაიბადება მთვარე ახალი
 და ზეცა ღრუბლებს გადაიფარებს.
 სეტყვა, გრიგალი და ქარიშხალი
 ეომებიან გალაფნის კარებს.
 ვიყავი მეფე და ვგავარ ზღაპარს,
 მოგვედები ისევ გამეღვიძება.
 ძველ კოშკებიდან ავანთებ ლამპარს
 და მზეთ - უნახავს ჩავესიძები.
 ეჯიბს ვუბრძანებ: დამაკლდა ხედვა

და ვიდრე ლამემ თმებში გამაბა.
 მომგვარეთ კვიცი, მკვირცხლი უხედნი
 და საქორწილო მომართვი კაბა.
 არც სინანული, არც თავის დახრა....
 ზეცამ მარგუნა ეს ბედი წილად:
 უძლური მეფე ქარში უმაყროდ
 მივემგზავრები დღეს საქორწილოდ.

3.

თაფლის სანთელი, შავი ხატები.
 „თქვენ მოგაშურებს ქირში ყოველი.
 „მძიმედ დაჭრილი დავეხეტები....
 „დამლოცეთ თქვენგან შველას მოველი.“
 „ჩემი ბავშობა გახსოვს მარიამ?
 „თეთრი ხელებით გთხოვდი შენდობას.
 „დღეს კი ისეთი ცუდი დარია,
 „რომ ჩავეხუტეთ ქსელში ობობას.“
 „ნუ დამაბრუნებ გზიდან უკან მე.
 „დე, ვერ გიხილო სასუფეველში,
 „ოღონდ არ ვიჯდე ვით საუკუნე
 „ფეხმოკეცილი, ჩიბუხით ხელში.“
 — ამინ — იძახის ბრმა კუდიანი
 და გამხმარ ხელებს ჰაერში არწევს
 და მეც გადავკრავე მგზავრი გვიანი
 მოწამლულ ღვინით ავსებულ ყანწებს.

4.

მარტოდ ვარ, მარტოდ... დარბაზში ბნელა.
 ბუხარში ბუტყავს მუგუზლის ალი...
 უცებ ვილაცამ ყრუდ ჩაახველა,
 ხმა შემომესმა დინჯი, დაბალი:

„სად მიხვალ შვილო? ქარი ჰქრის ავი.
 ღამეა ბნელი, გათენდეს დილა.
 გზებს დასწოლია ნამქერი, ზეავი...
 მომიჯექ გვერდით, ბუხრის პირ თბილა.“
 — მშვიდობით! გესმის, მეძახის ქარი
 და, შეკაზმული ჭიხვინებს ცხენი,
 ნუ მოიგონებ წყევლით, მუქარით,
 როს გაგიმწარდეს მოხუცა დღენი.
 სევდიან თარზე ვერ აატირებს
 ძველებურ ჰანგებს შენი პოეტი.
 ველარ მოიტან შინ ნანადირევს:
 გაგექცა ქორი და კაპოეტი... —

5.

ჩემო მერანო გადიქეც ქარად!
 გაჰკაფე მკერდით ტყენი უვალი,
 სად მამამ ბრძოლით დღეს გაიარა,
 გაივლის მედგრად ხვალ მომაველი.
 დალპეს, გაიხრწნეს ცხოვრება ძველი,
 ცრემლი აპკუროს მიწას ავდარმა!
 სიტყვა ახალი, ძველის შემცვლელი
 უნდა სიკვდილში ჰპოვოს მხედარმა.
 გადაიარა ველები ფრენით,
 უცნობი ზეცა, უცნობი მხარე....
 ასე მიჰქროდა განწირულ მერნით,
 ვინც ნიავეს მისცა ფიქრი მღელვარე.
 და ბედის წყევლა ჩვენ გვმართებს განა,
 თუ გვჯერა ზეცა კვლავ ირაყრაყებს?!
 გამოუგზავნის მზე ბნელ ქვეყანას,
 ახალ რაინდებს, აწყვეტილ რაშებს!

მოაცურებენ ღრუბლები ნავებს....
გადმოეშვება ზეციდან გზები....
და გაიშლიან ოქროს ნაწნავებს
ლამეში თეთრი ანგელოზები....
და ვხედავ, ვხედავ: გამოჩნდა გზაზე
ცხენოსანთ გუნდი, მესმის მაყრული.
მოჰყავს მეჯვარეს ასული ნაზი,
ჩემი ოცნება და სიყვარული.
მაგრამ დიდია ცამდე მანძილი...
მოველი სატრფოს და ვითვლი წამებს,
ველი, სულ ველი, მერევა ძილი...
თოვლი მიკოცნის დაღლილ წამწამებს...
რომელი ცხოვრობს ეხლა ჩვენ ორში?
დღე მზის თვალებით ჩემში ვის ხედავს?
ბედნიერ მეფეს თუ სველ მინდორში
გაყინულ ცხენზე უსულო მხედარს?



ყანაში კალთით შეიშრო ოფლი
 და ამოაგდო თოხით ბალახი;
 ჰაერში ოხვრა დაჰქროდა სოფლის
 დახეულ ჩოხით და ყაბალახით.
 მოსჩანდა ღელე, თხმელები, ოდა,
 ნალია მზეზე დამწვარ ყანებით;
 და საცვეთებთან დასეირნობდა
 უხეში ჩექმა დედის გინებით.
 მე ხშირად ვფიქრობ: გაირბენს წლები
 და მეც დავტოვებ ცივ დიასახლისს;
 უცხოეთიდან გადვიმალები
 და დავაწვები სოფელში სახნისს.
 ნეტავ ვიცოდე: გრილი ჭადარი
 თუ ამიწეწავს სიყვარულით თქვებს?
 შავი მურია ნეტა სად არი?
 იქნებ აშინებს მეზობლის ქათმებს.
 გაირბენს წლები ძველებურ წესით
 და დახავსებულ წისქვილის ქვებთან,
 გათეთრებული, ვერცხლის ანკესით
 რომ ვითევზავენ სოფლის ბიჭებთან?
 და უცხოეთის ქარის ნავალში
 ასე იცვლება ამ ფიქრთა ჯარი:
 მოვა წარსული მოკლე შარვალში
 და შავი ქალი გატეხილ ჯვარით.
 და ქალი ამბობს: ხედავ ამ ცრემლებს?
 შენი სამშობლოს მომავალია.
 წარსული თვალზე იფარებს ხელებს,
 მეთამაშება კუკუმალიას.
 როგორ დაბნელდა! ჩემი ოთახი
 აივსო ღამის მძიმე ფიქრებით.

ბევრჯერ მყავს ღამე ჩემთან ნანახი
და ვგრძნობ, რომ დღესაც ერთად ვიქნებით...
პირველი თოვლი დაეცა ქუჩებს.
პირველი თოვლი მე მომაგონებს
მიცვალებულის გაყინულ ტუჩებს
და თეთრ კაბებში მორთულ გოგონებს.
როცა წარსული გარდაიცვალა,
თეთრი კაბები შევეღებე შავად
და ავიყვანე ავი მენავე
უცხო ქვეყნებში მამინაცვალად.
და ყოველ დილით, მძიმე საყვირი
და ხმა მენავის მოიტანს ცნობებს,
რომ შორს დავტოვე მწვანე ნაპირი,
რომ სამულდამოდ ვტოვებ ნაცნობებს.
მწვანე ნაპირი იწვა კუბოში,
და როცა ნავმა ფრთები გამართა,
დამარხეს ჯვარი, ფარხმალი, დროშა,
მთელი დიდება ჩვენს წინაპართა.
წარსულს კრილობა ბევრგან ატყვია...
მე, მახსოვს, ზვირთებს დავადე ყური;
მესმოდა: თბილისს ვესროლეთ ტყვია
და დავუარეთ შემდეგ ლეკური.
ზვირთები მიჰყავთ თმაგაშლილ ქარებს;
დიდი მინდორი ზღვას ვანაცვალე.
გამხმარ თითებში ძვირფას სიგარებს
აბოლებს დინჯი მამინაცვალი.
კვამლი ეხვევა ქალაქებს, ჰქრება;
და ბნელ ქუჩებში მე ბევრჯერ ვნახე,
ჩემს მამინაცვალს რომ ემუქრება
წითელი დროშა, ყვითელი სახე.
ვნახე სიჩქარე და ამ სიჩქარეს
ვერ შეუფარდე ცახცახა ფრთები;
ვერ გავატანე აწყვეტილ ქარებს
გადამალული ობლად ფიქრები.

მე ქართველი ვარ და ზანტი თვალი
 ვერ მოვაშორე მოწყენილ სივრცეს.
 მიყვარს უმიზნოდ გზები სავალი
 და მამინაცვალს ნეტა რად მიმცეს?
 მამშეენებს ჩოხა, ვიწრო საცვეთი,
 შექრილი წელი, ოქროს ქამარი
 და უკან დამრჩა აღმოსავლეთი,
 გამოუცნობი ჩემი სიზმარი.
 მივდივარ ფრთხილად და მივადგები
 გაყინულ რკინით შეჯაჭულ კარებს:
 მაგრამ მაშინვე უკუ ვბრუნდები,
 გული ცივ რკინას არ მიიკარებს.
 და როცა წინსვლა შეიქნა ძნელი
 და მეგობრობა დრომ არ ინება,
 ქვაფენილებზე ველარ შევძელი
 ნაბადის გაშლა და წაძინება.
 და ეხლა ათოვს გაყინულ ქუჩებს,
 და როგორც მორცხვი ჩუმი მონები,
 როგორც პირველი კოცნა ცხელ ტუჩებს,
 ესტუმრნენ ოთახს მოგონებები.



წერილს ელოდა
 ემლო ელოდან.
 ელოდა, ელოდა
 წერილს ემლო და
 თანაც მღეროდა:
 — რა ვქნა, რა გახდა ლიონიი,
 რატო არ მოდის ფო-ტალიონიი...
 ერთ დილით
 დაღლილი,
 გასვრილი მტვერში
 სამუშაოდან დაბრუნდა ოტელში.
 — მუსიო, ვოტრ ლეტრ!
 კი ვერ გაიგო,
 გარდა მუსიო - ს, სიტყვა ვერც ერთი.
 წერილი აიღო.
 გაწითლდა... მიხვდა: — წიგნია ელოს!
 უთხრა: მადამჯან, ღმერთმა გიშველოს!
 დაუკრა თავი და
 ოთახში ავიდა.
 ხელ - პირი დაიბანა.
 მოიშორა ქანგი.

ჩაიცვა ახალი პერანგი.
 სარკეში ჩაიხედა:
 უღვაშები დაიგრიხა,
 ქოჩორი გადაივარცხნა.
 უცემს მაგრად გული!
 წერილი გახსნა:
 ... წერილი ფრანგული!?
 — მადამ ჯან, მადამ ბიენ!
 ოპ, მუსიო, ილ ნი ა რიენ!
 ნე ფეტ - პა - სა - ატანსიონ,
 სეტ იუნ პეტიტ კონტრიბუსიონ.*)

ერთ საღამოთი,
 (იქნებოდა საათის ათი,)
 გასვრილი მტვერში,
 ერთავად თეთრი
 დაბრუნდა ოტელში.
 — მუსიო, ვოტრ ლეტრ!**)
 წერილი აიღო.
 — წყალმაც წაიღო
 თქვენი ფრანცია!
 — მადამჯან, ტუჟურ კონტრიბუცია?!***)
 შევიდა ოთახში.
 ლოგინზე გაითხლარშა.
 ელექტრონი ანთო და
 წერილი გახსნა ზანტად:

*) ქალბატონო - ჯან, კარგო ქალბატონო!
 ოპ, ბატონო! ეს არაფერია, ნუ აქცევთ ყურადღე-
 ბას, ეს არის პატარა გადასახადი.

***) თქვენი წერილი ბატონო!

***) ყოველთვის გადასახადი!

„ქმარო ჯან, მამა საყვარელო, ემლო ძვირფასო!
ცრემლით დასწერა შენმა ელომ ყოველი ასო.
ეს, სამართალი არ არსებობს ჩემთვის ზეცაში!
რად დაგვაობლე, რითვინ წახველ ზაგრანიცაში?
იშტა, მერჩინა დაგემარხე ცოცხლად მიწაში.
გითელის სალამსა შენი შევილიც, პატარა ილო.
სულ მეკითხება: სად წავიდა ჩემი მამილო?
გულს ნუ გაიტებს, ჩემო ქმარო, არ გვწყალობს ბედი,
მაგრამ ამ ბიქს გამოგიზრდი, გქონდეს იმედი.
სხვა - რა მოგწერო მუდამ წამს და ჟამს სანატრელო.

გწერს შენი ელო.“

„ემლო, ჯან, ემლო! რომ წამოხვალ შენ გენაცვალე,
ორ - ორი ხელი წამოგვიღე ნარმის საცვალი.
ტანთა არა გვაქვს, ტიტლიკანებს გვწყურია, გვშია,
მეწველი ძროხაც კი წაასხეს კოლექტივშია.
აწ კი მშვიდობით თვალის ჩინო, ძმავე საყვარელო.

შენი და პელო.“

ელოდა, ელოდა
წერილს ემლო და
ნეტავ არ მიელო!...



მე დაუბრუნდი საყვარელ მხარეს,
 საყვარელ ქალებს,
 საყვარელ ველებს
 და ვიგონებდი იმათ სახელებს,
 რომელთაც მიწა ვერ მიფაყარეთ....
 და სევდა
 გულს არხევდა,
 მიწვავდა თვალებს.
 მყინვარზე იჯდა მთვარე ახალი,
 როგორც ერეკლეს დამასკის ხმალი.
 ეძინა სოფლებს
 და ქირისუფლებს
 ჰქონდათ სიზმარი:
 ზოგს დაუბრუნდა შვილი, ზოგს ქმარი,
 ძილში ალერსი და საუბარი....
 ესიზმრა კეკეს:
რო საქონელი მინდვრად გარეკეს,
 იყო ზაფხულის დაქლაქა დილა.
 ურმის კოფოზე მიხას თანდილა
 არხევდა მზეზე განიერ ბეჭებს,
 უტყლაშუნებდა სახრეს კამეჩებს...

და სევდა

გულს არხევდა.

არც ძმა ამ ქვეყნად, არც მეგობარი.

იქ, სადაც ნინომ ჯვრად შეჰკრა ვაზი,

ცრემლმორეული დავეშვი ქვაზე.

..რა ლაშაზი ხარ, დედოფალო, როგორი ნაზი!
 რა რიგ ამშვენებს შენს ყაბარჩას თოვლის გვირგვინი.
 შენი მიწები მორწყულია კახური ღვინით,
 მაგრამ, ვაი, რომ მწიფე მტევნებს ასპიდი აზის.“
 ..ხმალმა დავითის მოგცა სული, თამარის ხელში.
 ოქროს აკვანი დაგირწია, სათუთად გზარდა;
 უნდოდა ქალი აეზარდე დაუქცნობ ვარდად,
 მაგრამ, ვაი, რომ სათუთ მკერდზე გიკბინა გველმა.“
 ..მინც ვარდი ხარ დაუქცნობი! მინდა შეგამყო....
 მაგრამ უენო შენი შვილი რას გეტყვი, რასა?
 ოდესღაც მეფევ მბრძანებლო და დღეს კი ხასა
 რა რიგ გამშვენებს ეს გვირგვინი თეთრი, უმანკო!?
 იწოდა ოქრად მოქედილი მალალი ზეცა.
 ეძინა მიწას მთვარის შუქზე, სდუმდა ყოველი.
 მხოლოდ მხურვალედ ლოცულობდა სვეტი ცხოველი
 და ჩემი ცრემლი მოსწყდა ზეცას და შორს დაეცა....

მე დავუბრუნდი საყვარელ მხარეს
 და ჩემი ქვეყნის ნიავი გრილი
 არხევდა წყნარად ფიქრებს მწუხარეს,
 არხევდა ველებს, არხევდა ქალებს....

სადღაც ურემმა დაიპრიალა.
 გაუტყლაშუნა მეურმემ ხარებს
 და შემოსძახა ურმული ტკბილი.
 მღეროდა გლეხი მყუდრო ლამეში,
 როგორც დაქრილი, ობოლი გედი,
 მაგრამ ანკარა, სევდიან ხმაში
 იყო დალხენაც, იყო იმედი:
 მღეროდა გლეხი: მივალ აღზვევანს,
 მარილს მოვიტან, მარილსა ბროლსა
 და ბედნიერი გადავეხვევი
 ჯერ დედას, შემდეგ შვილსა და ცოლსა.

ვსთქვი: თუ იმსხვერპლა ასე უდროოდ
მშობელმა მიწამ საუნჯე ერის,
რად არის ღამე ასეთი მყუდრო
და უდარდელად გლეხი რად მღერის?
უცებ დაჰქროლა ნიაგმა ქშენით,
გაცურდა ცაზე თეთრი ღრუბელი
და თეთრ ღრუბელში ისხდნენ მოწყენით
ანგელოზები და ღვთისმშობელი...
ვიგრძენი შვება, განათლდა გული.
ვსთქვი: კვლავ იმეფებს ჩემი ქვეყანა,
თუ გლოვის ნაცვლად მესმის ურმული,
თუ გმირთა ძელებზე ბიბინებს ყანა.
მადლი უფალსა! ამ კუთხის გამჩენს!
ზეცაში ცხოვრობს დიდი მსაჯული.
იმღერე გლეხო! ჩვენ გადაგვარჩენს
შენი „ჰარალე“ და „კრიმანჭული!“

„თეთრი გიორგი“ 1934 წ.



თქვენ ამბობთ: „მოკვდა!
 მივაბარეთ დღეს უცხო მიწას.
 არ გვყავს ქაქუცა,
 დაგვიობლდა შეფიცულთ კერა.“
 შეფიცულებო,
 ნუ ქვითინებთ, თქვენს თავსა ვფიცავ,
 ეს ტყუილია.
 არ მომკვდარა. მე ეს არ მჯერა.
 არ დაიჯეროთ,
 რომ დაქრილი ვაქვს არწივი
 გამოესალმა
 მთის მწვერვალებს დღეს სამუდამოდ,
 რომ მის მაგარ ფრთებს
 ზედ დაადეს ლოდები ცივი.
 არ დაიჯეროთ.
 ტყუილია, მტერს არ აამოთ.
 მე ამას ვამბობ.
 და ეს მე მჯერა. ვამბობ იცით რას?
 დაქრილმა მკერდში,
 დაქანცულმა ბოლოს ინება,
 ნაბადის გაშლა
 რბილ მწვანეზე. დიდ მუხის ძირას


 და —————
 ————— მიძინება.

და სძინავს, სძინავს
მეფურ ძილით საყვარელ ბელადს....
ჩუმად.. ნუ სტირით...
მოვასვენოთ გუშავი ერის.
ჩვენი მამულის
ულრან ტყეში, მთაში და ველად
კვლავ გავიგონებთ
ამღერებას ცხელ მაუზერის.
თქვენ კი, ყვავებო,
მთის არწივი გგონიათ მკვდარი,
თავს ნუ დასჩხავით, —
გინდათ ლეში ნაკუწ - ნაკუწად?!
მალე ზარს დაგსცემთ
თეორ ტაიქზე მჯდარი —
ცივ სამარიდან
ამოსული ჩვენი ქაქუცა.



ვლასა იმნაძის ხსოვნას

...შევაღე კარი და პირჯვარი გადავისახე.
 კუბოსთან იდგა თმაგაშლილი მწუხარე დედა.
 მიუახლოვდი... და შავ ძაძებს ხელი შევახე:
 დედა, ვერა მცნობ? შენი შვილი კვლავ დაგიბრუნდი!
 მოხუცი ქალი არ შეირხა.... არ შემომხედა...
 და... „სულთათანას“ მიგალობდა ქაშვეთის გუნდი.



ჰაემანი მთაწმინდაზე

პ ა ე მ ა ნ ი მ თ ა წ მ ი ნ დ ა ზ ე

ილიას დაბადებიდან 100 წლისთავზე.

- : -

ვაჟა გიყვარდა, მგოსანო,
 ფშველი ენაწყლიანი;
 ენაზე უფრო უჭრიდა
 ქართული მკლავი ხმლიანი.
 ხელში ფანდური ავიღე,
 ვაჟას ფანდური მზიანი;
 ოდნავ ჩამოვკრავ სიმებსა,
 არ მივაყენო ზიანი.
 ქართული გუთნის მწვეველნო,
 სამნი ხართ სამოთხეშია:
 აკაკი ალბად ოხუნჯობს,
 ვაჟა გაჭრილა ტყეშია.
 ვაჟას იქ არ მასწყინდების,
 თუ ჰპოვა, მთა, კლდე, ხრეშია
 შენ მეცოდები, ბატონო,
 ვაი რა ცუდსა დღეშია!
 შენ იქ რა გაგაძლებინებს,
 ფესვები დაგრჩა ერშია.
 შენ, ზეციერი, ჰპოვებდი
 შვებასა მიწიერშია.
 შაიკრიბენით ერთადა,
 ფანდურსა ვიღებ ხელშია.
 ყური დამიგდეთ მამებო,
 დაგენაცვლებით ყელშია.



სიზმარი ვნახე, ქართველნო,
არვისგან ჯერ არ ნახული.
რაც ვნახე, რაც გავიგონე
მაქვს თქვენთვის შემონახული.
ყური ათხოვეთ ფანდურსა,
სულია შიქ ჩამარხული;
ქართელის ბედია სიმების
წკრიალში გამოსახული.
სიმღერით მინდა ვუკვალო
მომავალს გზა დასახული.
მოჯარდით, ახლოს შემოკრბით,
გაითბეთ ამბით თქვენც გული.
მესიზმრა: თეთრა, პატარა
ღრუბელი ცაზე გაცურდა.
სალამო იყო მყუდრო და
ფოთლებს ჩურჩულიც არ სურდა.
ვიწექი, ზურგზე ობლადა...
ღრუბელი ჩემსკენ მოცურდა.
გამხვია თეთრ საბანშია,
ისევ ზეცაზე აცურდა...
სუნთქვა შამეკრა, შავშინდი:
ვშორდები არე - მარესა!
მივცურავ ზევით, სულ ზევით.
ვუახლოვდებით მთვარესა.
ვხედავთ გაფურჩქნილ ვარსკვლავებს,
გვიღებენ ოქროს კარებსა:
გაიცინეს და სხივები
თვალთაგან გადმოღვარესა.

„ღრუბლებო!“ ვამბობ „ვესტუმროთ
ჩემსა მშობელსა მხარესა.
ზეცაში ყოფნას მიჩვენის,
რომ ვიწვე მის სამარესა!“
შაერთა ღრუბელი, შაჩერდა,
შაიკრა კუშტად სახე და
ბრაზმორეულმა დაცინვით
თავით ფეხამდე ამხედა.
„ეს რა სთქვი, რა წამოროშე?“
თანც მიპასუხა მკვახედა:
„რა არის შენი სამშობლო?!
გუშინ ვესტუმრე დილითა;
ცივ გომბორზედა შამაფჯექ,
დაბურვილ იყო ნისლითა;
ფერდობი, ვაკე ველები
სულ მორწყულია სისხლითა.
შახედე მუშთარს, ოტარიდს
და კაეშნიან ზუალსა.
მთვარეს, ასპიროზს, მარიხსა —
ხმლით აპობს ბნელეთს უვალსა,
მზე სამოთხეში შებრძანდა,
გვირგვინად ადგას უვალსა.“
— „მართალ ხარ, თეთრო ღრუბელო,
მაგრამ მომეცი მეც ნება,
რომ გითხრა: შვიდნი მნათობნი
არს ჩვენი ქვეყნის შვენება.
არ მოგატყუებ, მისმინე,
გამომრევია ქალარა,
ზეცამ მშვა და თავზე უფრო
სამშობლო მე შემაყვარა.“ —



გაშავდა თეთრი ღრუბელი,
მკვირცხლავ ჩამაჯდა ქარზედა:
მივქრი და თავი მეგულვის
ტარიას რაშზე ჩქარზედა.
ხან ვარსკვლავთ ვუახლოვდებით,
ხან დავეშვებით ბარზედა,
ხან მთაზე წამავსკუბდებით,
ხან გავალთ შარა - გზაზედა.
შუალამისას ღრუბელი
ჩამაჯდა გორის ფხაზედა:
ტუჩით შეეხო ბალახებს,
შასრუტა ცვარი ცვარზედა.
ცვარით წყურვილი მაიკლა,
ისევ შემოჯდა ქარზედა.
„არ გამიცვიდე, ვაჟიკავ,
საბან მაისხი ტანზედა!
არ გესმით ტალღათ ტყლაშენი!
მივცურავთ შავსა ზღვაზედა?!
საბანი შამავიხვიე,
თავი დავიდე მკლავზედა.
ჩემ ქვეყნის ნახვის მოსურნეს
ცრემლი მერევის თვალზედა.
შავარდნის ხედვა ამეხსნა,
სმენად გარდიქცა ყურია:
გამოჩნდა ჩემი ქვეყანა,
რის ნახვა ეგრე მწყურია.
აფხაზეთ - სამეგრელოი
და ჩვენი ჩქარი გურია:
აქ ცხენის - წყალი მიშხუის,
იქ — ჭუჭი, აქ — ენგურია.

ზურმუხტად შლილი ბაღნარი.
 ქალები საამურია...
 ქალარა კავკასიონი,
 დევებთა სად სადგურია.
 გამოჩნდა შოთას აკვანიც,
 მიძინებული მესხეთი,
 ოქროს ყანებზე გაშლილა
 პურადი აქ ჯავახეთი.
 აჰა, რიონიც გრიალებს!
 იწყება იქ იმერეთი
 ციხე - კოშკები ნაჭედი
 რაჭა, ლეჩხუმი, სვანეთი.
 ქართლის ქირიმე ქართლისა.
 აჰა, გამოჩნდა კახეთი!
 მტკვარსა არაგვი ჩაჰკვრია
 ფარქად აკვრია ბურჯებსა
 იჰ, უყვართ ნათ ერთმანეთი!
 ლომი თუშ - ფშავ ხევსურეთი.
 სხვა საქართველო სად არის,
 რომელი კუთხე ეგეთი?!
 სულ ხელის გულზე გაშლილა
 ამიერ და იმერეთი.
 არწივთა ბუდეს მაგონებს
 ჩერქეზეთ, ქისტეთ, ლეკეთი.
 შორს მეზობლებიც მოსჩანან —
 — ადარბადაგან. სომხეთი!



სხვა საქართველო სად არის,
 კუთხე ნაკურთხი უფლისა?!
 მთვარე ქათიბსა უკერავს,
 მზე ოქრომკედით უვლისა.

ხან თეთრ კაბასაც ჩაიცვამს,
ხან შავსა — ქირისუფლისა.
სულ მუდამ კოხტა კი არის,
კენესა მე - მისი სულისა!
„ღრუბელი საით მიგყევარ!
მეყოფა ეგ სილამაზე:
მთებთა ამაყი ჭალარა,
ველებთა ლურჯი სინაზე.“
თითქოს არც გაუგონია,
არ მიპასუხა ამაზე.
შამოვეუარეთ თბილისსა,
დავეშვით ოქრო - ყანაზე.
მარტოდ დამტოვა ღრუბლებმა,
მე არ დავლონდი ამითი.



ჯერ დავიბანე ხელ - პირი
ქართული ცვარით ნამითი.
შემდეგ ბილიკზე დავეშვი,
განოჩნდა მამა - დავითი.
შუალამე გარდასულიყო,
ნიავე ჰქროდა გრილია.
იწვა მთებისა აკვანში
დედის ერთგული შვილია:
თავზე გუმბათი ეხურა
ვით დედის ძუძუ ტკბილია.
გალავნის კარი შევალე,
ვიყავი სათნო, ფრთხილია.
აქ მეგულების მხცოვანნი:
ჩვენი აკაკი, ილია.
ვიხილე მათი სამარეც
გადმამსკდა ცრემლი წყვილია.

უცებ მომესმა შორიდან
 ხმა წინწილისა, დაფ - ბუკი!
 გადმოეფინა ზეციდან
 გზა განიერი მზის შუქი.
 ავარდა მზისა შუქზედა
 ოქროს მტვერი ვით ქარ - ბუქია:
 მოაქროლებდა რაშებსა
 ოთხი რაინდი ჩაუქი.
 შავშინდი, კლდეს მადეფარე
 არ ვაშკაცი, არ ქაბუკი.
 გარდახდეს ცხენთა მაუშვეს
 უნაგირთ მოსართავია.
 საროსა მჯობთა შვენოდათ
 წვერი, უღვაში შავია;
 ჯაქვ მუზარადი ემოსათ
 ლომებს ბაჯაღლო თავია;
 აბჯარზე მსხვილად ესხურათ
 ბროლ - მარგალიტი, ლალია.
 ტანზე ემოსათ ოთხთავეს
 კაბა, — ვეფხისა ტყავია.
 ვამბობ: სიზმარში ხომ არ ვარ?
 რა უცხო სანახავია!
 ნეტავ ვინ ვპოვო ამ ქვეყნად
 ლომების შესადარია?
 შოთას მხარ - ბეჭსა უმშვეენებს
 ფრიდონ, ავთანდილ, ტარია.
 ელავს ვეფხისა ტყავებზე
 აბჯარი საომარია.
 ჰაუ, განათდა ბნელეთი!
 ოჰ, რა მზიანი დარია!

ვეფხურ მივიდნენ საფლავთან
ლომურ იშიშვლეს ხმაღნია:
დაიქუხა და დაეღვა!...
და მოიხარეს თავნია.
თურმე ილიას საფლავზე
დღესა აქვთ პაემანია.
ტარიამ ხმლით გადასწია
აკლდამის მძიმე ქვანია.
ემამბობ: ამასთა სად მოვა
ამირან, ყარამანია?!
გარდისხნა ბნელი სამარე,
მამესმა შოთას ხმანია:
„გამოიღვიძე მოხუცო,
ერის გუშაგო, ილია!
მოესულევართ: შოთა, ტარიელ,
ფრიდონი, ავთანდილია.
შენებრ გულუხესა მასპინძელს
როდი შეგშევენის ძილია.
ასი წლის თავსა გილოცავთ,
ხელები გამოწვდილია!“



წამოდგა ცივ სამარიდან
მემატიანე ქართველისა,
მნათი უმთევარო ლამეში,
მომგვრელი დღის სინათლისა:
აზრი პიტალო, დამცველი
ჩაგრულთა და სიმართლისა;
შუბლი მაღალი, გახსნილი,
მომნიჭებელი მადლისა.
ბრძანა: „ვერ ძალშიძს, სულმნათო!
ენით თქმა სიხარულისა.

მოსულხარ მეფე მგოსანთა,
 მშვენება მზისა სრულისა,
 შოგიყვანია ლომები,
 დარაჯნი ქართლის სულისა.
 თაძარის შვილებს გესურვათ
 ხილვა ძმის ბედით კრულვისა.
 მადლობას გიძღვნით, მაგრამ რით
 გამოვსთქვა ლხენა გულისა?!
 დადუმდა, ოთხთავ მივიდნენ
 და იამბორენ გულზედა.
 შოთამ ჯერ გულზე აკოცა,
 შემდეგ სისხლიან შუბლზედა.
 ილიას ცრემლი მოადგა,
 ცრემლი, თვალების ლულზედა.
 სთქვეს: „მოვილხინოთ და შემდეგ
 ვიფიქროთ დაკარგულზედა.“

~*~

უცებ გაისმა ლამეში
 ჩუმი წკრიალი ქნარისა...
 გამოჩნდა ლომი ქალარა,
 ულამაზესი მთვარისა,
 მარჯვნივ ვაჟი ეყენა,
 არწივის შესადარისა.
 მარცხნივ ნიკოლოზ ვიდოდა,
 დამამშვენები მხარისა.
 ბესიკი და ალექსანდრე,
 გრიგოლ — არიფნი თარისა.
 ვინ ჩამოვსთვალო, ვინ ერთი?
 სულ ყველანი აქ არისა!
 თითქოს გათენდა... თითქოს მზე
 ლამეში ამოსულიყო.

აკაკი მღერის: „მოვედივართ!
სადა ხარ, ჩემო სულიკო?“
მათ მიეგება ილია
სახითა მომღიმართა.
შოთა რა ნახეს, გაკვირდნენ,
გაოცდნენ ერთის წამითა.
ფებთ მოეხვივნენ, მოსთქვამდნენ:
„ვართ ბედნიერნი ამითა!“
ჰკოცნიდნენ ლეკვნი ლომებსა,
დასდით ცრემლები ღვართა,
ამართეს დროშა მეფისა
მთა წმიდის გალავანშია.
გაშალეს სუფრა, რა სუფრა!
ილია დასვეს თავშია.



ავთანდილ სუფრას განაგებს,
ტარიელ წვადის წვაშია,
ფრიდონი მერიქიფეა,
და შოთა ტოლუმბაშია.
სიტყვას იძახის მარგალიტს,
ვუსმენ, მაყრჯოლებს ტანშია.
განა ქართული მოლხენა
მარტოდენ ყანწის ცლაშია?!
არ გავცვლი შოთას მოძახილს
თვით იადონის ხმაშია.
ავთანდილ გამყივანია:
ხმა შააცურა ცაშია.
ფრიდონი აკრიმანქულებს:
შიაქრა მტრისა რაზმშია.
ტარია დაბალ ბანს ამბობს:
დინჯად დაეშვა ბარშია....

ქვანი სმენათა გარდიქცნენ
და მკვდართა დაჰკრეს ტაშია.
ადიდეს ქვეყნის გამჩენი,
ადიდეს ქრისტეს რჯულია.
ხოტბა შეასხეს წარსულსა,
ერთიც რამ იყო თქმულია:
— ველარა აღსდგეს ივერი,
თუ ერი დაქსასულია.
თუ ერთ ჰანგზედ არ მღერდა.
მამული დაკარგულია.

**

ბევრი რამ იყო იქ თქმული.
ყოველი სიტყვა განძია!
შოთამ აავსო პირამდე
ატენის ღვინით ყანწია:
„შვიდასი წლისა ზეიმზე
მოგელისთ ყველას ვარძია!“
(ხალხნო, ხომ გესმით რა ბრძანა?
ხმა დაეარხიოთ ერშია —
ვეძიოთ შოთას საფლავი
ვარძიის მონასტერშია).
ილიამ ჰკითხა ვაჟსა:
„რაზედ ხარ მოწყენილია?“
— შველის ნუკრი ავად გამიხდა,
ჩემო ბატონო ილია,
აქაც ვერ ვპოვე წამალი.
ვერც საიჭიოს ბალშია.
გული ცრემლებით მეცხების.
ვბრუნდები სახტად სახლშია. —

ილიამ ჰკითხა ტატოსა:

„რაზედ ხარ მოღრუბლულია?“

— მთაწმიდის დანახვაზედა

გამეხსნა ძველი წყლულია.

დატანჯულ ყრმასა მიყვარდა

აქ ხშირად სიარულია.

აქედან ცად მიიღტვოდა

ჩემი ობოლი სულია.

ამ ქვეყნიურსა შევინებას

მიკვირს, რად დავდე წუნია?

სამოთხეშიაც ვერა ვძლებ:

არ მესმის მტკვრის დუდუნია.

ილიამ უთხრა რაფიელს:

„მოწყენა, ე, რა წესია?“

— წაართვეს ჩემსა თანდილას

რაც უხნავს, რაც უთესია.

ნეტაი კი ეღირსება

ცხოვრება უკეთესია?! —

ეს სთქვა, შეხედა თვალებში,

ხელიც დაადო ხელზედა:

„მითხარ, ილიაე, რად გცხია

ეგ სისხლი საფეთქელზედა?“

— მე და ზაქროი ვიყავით

სანადიროთა ტყეშია,

უკან მომდევდა ერთგული,

თოფი ეჭირა ხელშია.

გავარდა... და მისი ტყვია

ჩამაჯდა საფეთქელშია.

ვითომ და განგებ მოვეკალ,

დაირხა ხმა სოფელშია.

ამას მე არ დავიჯერებ,
რაფიელ თავის დღეშია. —
(ხალხნო. ეს რა გავიგონე!?)
ეგრე სთქო თავის პირითა —
ჩემს სისხლში ზაქროს ბრალს ნუ სდებთ,
ჩემს ბედსაც ნუ დასტირითა.)
ილიამ ჰკითხა აკაკის
მომღიმარ, მომცინარესა;
მალლიდან რო დასცქეროდა
ცა - ფირუზ, ზურმუხტ - მხარესა:
„რაზედ დაფიქრდი მგოსანო?
ახალს რას მეტყვი მე, რასა?
მითხარ, თუ ამჩნევ ცვლილებას
ჩამქრალ ეროვნულ კერასა?“
— ბევრი ბრძოლებით დაქანცულს
ქაჯნი ვერ უქმნენ ვერასა.
“ჩვენ ჩვენი თავი გვეყუდნეს“
ამბობენ შენ სიმღერასა.
გული დღეს დადუმებული,
დაიწყებს ისევ ძგერასა.
ილიამ უთხრა მამიას:
„გრიგოლსა ჰკითხე მამია:
სამოთხეში თუ სჭირდება
რუსული მოსასხამია?“
გრიგოლმა გადიხარხარა:
— ჰოჰ, შენი ენა შხამია!
რასა იქმ, ვეეო, მარგალიტს
გადაჰკრავს ხშირად ნამია.
ქართულ გზის გასაკაფადა
მტრის მესხა მოსასხამია.“

გაიცინეს და გალალდნენ,
 ერთმანეთს იამბორესა.
 ბევრი რამ ჰქონდათ სათქმელი,
 ბევრი რამ მოიგონესა.
 დამატკბეს ტკბილი ქართულით
 და თანაც დამაღონესა.



ილიამ ჰკადრა ძმათ ნაფიცთ:
 „შოთამ გიკუროთხათ ჯანია!
 რას მეტყვიტ? როგორ დავიხსნათ
 ტყვედქმნილი დარეჯანია?“
 ფრიდონ თქვა: „ერთი ნახტომით
 ავიღებ ნარიყალასა.“
 ავთანდილ ამბობს: „დეე - გმირო,
 ხერხი სჯობია ძალასა,
 ჯორს გადავკიდებ აბჯარსა,
 ჩავიცვამ ვაჭრულ კაბასა.
 შევეტყუები და ქაჯებს
 დავსხებ ხმლით ვით ცხვრის ფარასა.“
 ტარიელ ამბობს: „ლომნი ხართ
 და არც მე ვგვევარ ქალასა,
 ერთად გავსხლიტოთ ცხენები,
 მე ამას გირჩევთ ამასა.
 თანაცა ვთვალოთ, ვინ რამდენს
 გააპობს თავის ქალასა.“
 შოთას შეხედეს სამთავეშ,
 განმარტოებით მდგარია.
 ფრიდონ თქვა: „ეპ მე რა მოსდის?“
 მივლენ ავთანდილ, ტარია.
 ჰკადრეს: „რადა ხარ დაღრეჯით?
 რადა გაქვს გული მკედარია?“

ეპ, თუ არ მოგწონს, სულმნათო,
 შენ ჩვენი საუბარია!“
 გაიღიმა მათ მოჰყვინა
 მზის შუქი უებარია.
 ეფიქრობ: მგოსანსა რა უგავს?
 ეგ ამირ - სპასალარია!
 ბრძანა: „რად მკადრებთ მაგ სიტყვას?
 წყენა რა მოსაჰკორია.
 ვიცი, გწადსთ ომი ფიცხელი,
 ჰა, ბურთი, ჰა მინდორია!
 მეც თქვენებრ მიჰრის მხარ - მკლავი,
 ლეკვი ლომისა სწორია
 მაგრამ არ მიყვარს სიფიცხით
 საქმენი ანაწონია.
 ნუ მიწყენთ, ჩემო ლომებო!
 წყენა რა დასაჯერია.
 მე თქვენი ვცანი გმირობა,
 მეც თქვენებრ ხრმალი მჰქერია.
 ზოგჯერ სიფიცხით დაშავდეს,
 ზოგჯერ მიხტომაც ჯერია.
 მარტონი ვერას გავხედებით:
 ვერ იქმს ერობას ერია.
 ჯიქურ მისელასა არ გირჩევთ,
 სჯობს რომ გავიდეს ხანია.
 ლოდინით არ დაშავდების:
 წამოგვეზრდება ყრმანია.
 თამარის აბჯრით შევემოსოთ
 მეფე ერეკლეს სპანია.
 ციხე შიგნიდან ავილოთ,
 ეღვაროთ სისხლისა ტბანია.“

ფრიდონ თქვა: „ვეიცაე შენსა მზეს
ჩვენი სოქვი მოსახსენები,
მაგრამ გონიერ სიტყვებსა
ხშირად წინ უსწრებს ენები“
იცინეს, გახსნეს ბაგენი,
ბროლ - ვარდით დანაშვენები,
და როს მყინვარი ვარდისფრად
შედება შუქმა დილისმა,
გაიყარნენ, არ დასცალდათ
ახალი სუფრა, დილის სმა.
გული დამეწვა, აეტირდი ...
ამოიოხრა თბილისმა,
სიზმარი ვნახე, ქართველნო,
არვისგან ჯერ არ ნახული,
ოთხი ვეფხის კლდე მეზმანა
სალ კლდეზე გამოსახული,
ქუსლი ჰკრეს ... ცაში ასტყორცნეს
რაშები ყარაბახული! ...

*
*
*

გასრულდა ესე სიზმარი
არვისგან განაგონია....
თვალებს ვახელ და თავი
მაინც სიზმარში მგონია,
ფანდურო, ჩემო ფანდურო,
რაზედ ხარ დანალონია?
ჩვენ წინაპართა ჰანგებმა
შეგასხეს ფრთები, ღონია.
წარსულის მაგალითებზე
თვით გამონახოს ფონია.

ვაი ერს, — თუ სიზმარშიაც
არაა აქვს მოსაგონია!
ვაი ერს, — თუ გამარჯვება
სისხლით არ აუწონია!
ვაჟკაცი მნახო, ვტიროდე,
მაშინ ვარ მოსაწონია.

1937 წ. 26 ნომბერი.



მოგონებანი გაქაზე

ათი წლისა თუ ვიქნებოდი.... ქართული ენის მასწავლებელი და თანაც ჩვენი კლასის დამრიგებელი, ჩვენი საყვარელი ლუარსაბ ბოცვაძე შემოვიდა კლასში. დაგვამწკრივა და ეზოში გამოგვიყვანა.

— ნეტა, რა უნდა ვითამაშოთ?!

— ნერგები, ნერგები მოუტანიათ! — დაიღრიალა დიდთავა ყანჩელმა. „ზაგლობა“ - ს ვეძახდით.

— ნელი ნაბიჯით მოგვიახლოვდა შავ ჩოხოსანი. სიყვარულით მოგვავლო ყველას თვალი. გაგვიღიმა.

— „გამარჯვებით, შვილებო“!

— „გაგიმარჯოთ, ბატონო“! ეუბასუხეთ ერთხმად.

ჩვენი ლუარსაბი მივიდა უცნობთან, ხელი მკლავში გაუყარა და აღტაცებით მოგვმართა:

— ბავშვებო! ეს დღე თქვენთვის ბედნიერი დღეა!

გესტუმრათ თქვენი საყვარელი მწერალი გაქა ფშაველა!“

— „შვილის ნუკრის ნაამბობი!“

— „ია!“ „ია!“

— „მთის წყარო!“

— „ხმელი წიფელი!“

„ჩხიკეთა ქორწილი!“ „ჩხიკეთა ქორწილი!“ — და გაივსო ჩვენი ეზო ჟრიამულითა და სიცილით.

ვაქამ გაიღიმა და მორცხვად თავი დახარა.

სამ - სამად გაგვეყო. პატარა ნიჩბები დაგვირიგა. „ზაგლობას“ დიდი ნიჩაბი ერგო და მე შემაჩეჩა ხელში:

შენ მაღალი ხარო.

სასწავლებლის დარაჯიც მოგვეშველა და დავიწყყეთ ორმოცების თხრა.

— ვაჟა თავს დაგვტრიალებდა:

— არ დაილალოთ, შვილებო, არ დაილალოთ! ფესვებს გაუფრთხილდით, ფესვებს!

ნერგები ჩაგყარეთ, ნორჩ ფესვებს მიწა სიყვარულით მივაყარეთ და შემდეგ... სურათი გადავიღეთ ვაჟასთან ერთად. ყველა სცდილობდა იმის გვერდით მოხვედრილიყო. დიდი მუჯღუგუნე და წაკვრა - წამოკვრაც იყო. მე სამწუხაროდ, ყველაზე მაღალი ვიყავი და მეორე მწკრივში მოხვდი. სულ ბოლოში. სურათი ერთი კვირის შემდეგ გვიჩვენა მასწავლებელმა. ყველა თავის სახეს ეძებდა. ჩემი თავი რომ ვიპოვნე, დაგვკმაყოფილდი (ალბად სულელურადაც გამეცინა) და სურათი მასწავლებელს გადავეცი.

რომ მცოდნოდა, ვაჟა გახდებოდა ჩემი უსაყვარლესი მგოსანი, მხოლოდ იმის სახეს დავაცქერდებოდი, რათა ყოველი ნაკვთი იმის სახისა დამემახსოვრებინა.

— თვალებს ვხუჭავ... ვიგონებ...

— მხოლოდ შავ ჩოხასა ვხედავ.

რომ მცოდნოდა ათი წლის ბავშვს, უცხოეთში ვაჟას სიტყვით გავითბობდი გაყინულ ცხოვრებას, აუცილებლად მოვიპარავდი სურათს.

გაიხარეს! გამაგრდნენ! ფოთლებით შეიმოსეს ნორჩი მკლავები! ვუფლიდით: წყალს ვუსხამდით, ქოჩორზე ხელს ვუსვამდით.. დავაჟაკდნენ!

და... როცა სამშობლოს ვტოვებდი, ჩვენი უნივერსიტეტის ეზოში შევედი, ჩემ ჭადართან მივედი. ხუთი ჩემოდენა იყო. აშრიალდა: — სად მიდიხარ? აქ დარჩიო!

— ჩემო ჭადარო, შორსა ვარ შენგან! დიდ ქალაქში ვცხოვრობ, ქვაფენილზე დავდივარ. ნიწის ქვეშ რომოდით დავსრიალობ. ქარხნების, ავტომობილებისა და ჰაეროპლანების ხმაურით, ყურები გამოჭედული მაქვს და

ხშირად ვამბობ ოხერით: — აღარ მინდა ასეთი სიცოცხლე! შენთან ყოფნა მირჩევნია.

მაგრამ ასეთ სასოწარკვეთილების დროს ვაყვას ველს მოვიგონებ ხოლმე, დილის მზემ თავისი სხივები, რომ დააფრქვია და დილის ნამი ააბრწყვიალა. შუადღისას მდგლოს, რომ მოეფინა ძროხის ნახერხი და სარბად დაეცა ბალახსა და ყვავილებს. მწყენსი გრილში იჯდა და არხეინად სალამურს უკრავდა.

.. თითო - ოროლა გადარჩენილი ყვავილი დიდად ჰგოდებდა დახოცილებს და თავის სვებედს, ითვალისწინებდა მომავალს და ევედრებოდა დედა - მიწას:

— დედილო, შენი ქირამე, ჩაგვაწვინე ესეც იმ აკვანში, სადაც აქამდის ვიწექით; აღარ გვინდა მზე, აღარ გვინდა ჰაერი, აღარც ცა, არც წვიმა და აღარც ასეთი სიცოცხლე. — შენს უბეში ყოფნა გვირჩევნია!

— სსსუთ, გაჩუმდით! შემოსძახოდა ძირიდან დედანიწა, — ეგ აღარ გამაგონოთ! რა გატირებთ? რა გაჩივლებთ? ვიდრე თქვენი ფესვი ჩვენს გულმკერდშია ჩაქსოვილი, თქვენთან სიკედილს ხელი არა აქვს. კიდევ აპყვავდებით შვილებო, კიდევ გაიზრდებით, მოათმანეთ ცოტახანს! მაშ, რად გინდათ სიცოცხლე, თუ თქვენ სიცოცხლეს ნაყოფს არ გამოაღებინებთ. არვის აჩიამოვნებთ!”

უფროსი კლასის მოწაფენი წმიდა ნინოს საავადმყოფოში სანიტარებად ჩავეწერეთ. ის საავადმყოფო ჩვენი სასწავლებლის ზედა სართულში მოათავსეს.

ჩვენი ქაქუცა პირველად იქ ვნახე. რა კარვად მახსოვს! საცვლების ამარა, ფოსტლებში. საავადმყოფოს ხალათს როგორც ნაბადს, ისე მოიგდებდა ბეჭებზე...

შენოდგომის დამდეგს დიდი დარბაზი გავანთავისუფლეთ, დავასუფთავეთ. ფანჯრები მე და ჯავრიშვილმა გავწმინდეთ.

მეორე დღეს ვაჟა მოათავსეს ნათელ ოთახში.
მახსოვს:

მორიდებით შევალე კარები... იქვე, კარებთან იწვა
რკინის ლოგინზე, გამხდარი, ვაყვილტვებული, პატარა
ტანის კაცი. საავადმყოფოს თეთრი, განიერი პერანგი
ეცვა.

შეძომხედა.

- ქართველი ხარ?
- დიახ ბატონო! როგორ ბრძანდებით?
- გმადლობთ, გმადლობთ! ყველასი მადლობელი ვარ
ყველანი კარგები ხართ. — ჩაახველა. მძიმედ შეისუნთ-
ქა. განაგრძო:
- ქართველი დაქრილები ბლომად გყავთ?
- დიახ ბატონო.

ჩაფიქრდა, გამხდარი, უსისხლო ხელი თავ - ქვეშ ამო-
იდვა და ჭერს მიაბურო თვალები... ცალი თვალი, მგონი
მარჯვენა, ჩამოხეული ჰქონდა და ცრემლი მოადგა ზედ.
ტუჩები აუთამაშდა. რალაცას ამბობდა ... იქნებ „ფშავე-
ლი ჯარისკაცის წერილი დედასთან“ მოაგონდა:

„გულ - მკერდი აგიყოვდება,
დედაო ია - ვარდითა“ ...

ფეხ - აკრეფით განოველ ოთახიდან.

შინ რომ დაებრუნდი „ გველის მჭამელი“ გადავშალე:

„მთვარეშაც გადმოაშუქა
საჯიხვებისა სერითა,
და დააშტერდა თავის მკვლელს
მოზარე ქალის ფერითა“

ფანჯარა გამოვალე, წნიდა ნინოს საავადმყოფო ელექ-
ტრონით იყო გაჩაღებული და... ელექტრონის შუქზე
რკინის ლოგინზე ლევდა სულს დაქრილი მინდია.

1935 წ.

მკითხველთა უწყებად.	5
გიორგი ყიფიანი. - სიმონ ბერეჟიანის ხსოვნას.	8.
ნასახლარა.	11
მგოსანი.	12
მარადისობა.	14
მშვიდობით.	15
წვიმა.	16
უკვდავება.	18
გული.	19
გურიას.	20
მერცხლის წყევლა.	21
მგზავრი.	23
სამშობლო უცხოეთში.	27
ემლო.	30
ურნული.	33
შეფიცულებს.	36
სიჭმარი.	38
პაემანი მთაწმინდაზე.	41
მოგონებანი ვაჟაზე.	59

ზემოწერულება

ალექსანდრე კარგარათელმა, მისი წიგნის „ქაქუცა ჩოლოყაშვილი“ - ს შემოსავალი:	1170 ჟ.
პეტრე ზვედელიძე — იოსებ დადიანის ასულთა დაუპიწყარ ხსოვნისათვის —	1300 ჟ.
	<hr/>
	2470 ჟ.

სარჯები

ფრანგული სტამბა.	7500 ჟ.
ლევლის სტამბა	520 ჟ.
	<hr/>
	8020 ჟ.

რედაქტორი -- გიორგი შიფიანი.

გამომცემელი -- აკაკი შავჭულიძე.

დამბეჭდა -- ოთხასი ცალი.



09/2

F 70.844
3